

Izjava OHR-a na konferenciji za medije međunarodnih organizacija u Mostaru

Otpočeo proces ovjere potraživanja po osnovu zamrznute devizne štednje

U ponedjeljak, 11. jula 2005. godine, ministarstva finansija Federacije, Republike Srpske i Brčko Distrikta izdali su u okviru medijske kampanje saopštenje kojim se obavještava javnost da je otpočeo proces ovjere potraživanja po osnovu zamrznute devizne štednje.

Cilj medijske kampanje je da se javnost obavijesti o aktivnostima koje su u toku u cilju rješavanja potraživanja u vezi s deviznim računima koji stoje zamrznuti više od deset godina.

Ova akcija je dio procesa poravnjanja unutrašnjih dugova po osnovu opštih neisplaćenih dugova Vlade, ratnih potraživanja i potraživanja po osnovu zamrznutih deviznih pologa u bankama diljem BiH krajem 1991. godine.

Od vlasnika zamrznutih deviznih računa traži se da zvanično ulože dokaz za svoja potraživanja kako bi vlade u ovom procesu mogle izvršiti ovjeru i početi proces izmirenja dugovanja.

Proces stvarnog podnošenja zahtjeva počet će nakon trideset dana obavještavanja javnosti putem medija kako i gdje podnijeti zahtjeve, a zahtjevi će biti prihvaćeni u roku od devedeset dana, uključujući 10. novembar 2005. kao zadnji dan.

Što se tiče podnositelja zahtjeva iz inostranstva, oni će informacije moći dobiti putem BH ambasada.

Ovo je veliki korak naprijed u rješavanju unutrašnjih dugova,

kojega OHR u potpunosti podržava.